

## 2. gr.

Reglugerð þessi, sem sett er með stoð í 65. sbr. 66. gr. laga nr. 117/1993, um almannatryggingar, með síðari breytingum, og 13. gr. laga nr. 118/1993, um félagslega aðstoð, með síðari breytingum, öðlast þegar gildi.

*Heilbrigðis- og tryggingamálaráðuneytið, 28. desember 1995.*

**Ingibjörg Pálmadóttir.**

*Davíð Á. Gunnarsson.*

28. desember 1995

Nr. 679

## REGLUGERÐ

### um úthlutun á tollkvótum vegna innflutnings á blómum.

## 1. gr.

Fyrir það tímabil sem tilgreint er í 2. gr. úthlutar landbúnaðarráðherra tollkvótum skv. viðauka III B, við tollalög númer 55/1987, með síðari breytingum. Nefnd skv. 75. gr. laga nr. 99/1993, með síðari breytingum, gerir tillögur til landbúnaðarráðherra um ráðstöfun þeirra tollkvóta sem taldir eru upp í reglugerð þessari.

## 2. gr.

Ákvæði eftirfarandi töflu gilda um tollkvóta, tímabil innflutnings, magn- og verðtoll:

Tollnúmer:	Vara	Tímabil	Vörumagn	Verðtollur	Magn	Tollur
			kg	%	kr/kg	
0601.2002	Blómstrandi pottaplöntur til og með 1 m	01.01.-30.04	500	30		0
<i>Úr tollnúmeri:</i>						
0601.2002	Pottaplöntur af ættkv. Bromilea	01.01.-30.04	ótilgr.	30		0
<i>Tollnúmer:</i>						
0601.2003	Grænar pottaplöntur til og með 1 m	01.01.-30.04	2.000	30		0
<i>Úr tollnúmeri:</i>						
0601.2003	Kaktusar og þykkblöðungar	01.01.-30.04	ótilgr.	30		0
<i>Tollnúmer:</i>						
0601.2004	Blómstrandi pottaplöntur meira en 1 m	01.01.-30.04	ótilgr.	30		0
0601.2005	Grænar pottaplöntur meira en 1 m	01.01.-30.04	ótilgr.	30		0
0602.1000	Græðlingar og gróðurkvistir, án róta	01.01.-30.04	ótilgr.	0		0
0602.2000	Tré, runnar og búskar, einnig ágrætt	01.01.-30.04	ótilgr.	30		0
0602.4000	Rósir, einnig ágræddar	01.01.-30.04	ótilgr.	30		0
<i>Úr tollnúmeri:</i>						
0602.9009	Staurar af Dracaena til framhaldsræktunar, með rót	01.01.-30.04	ótilgr.	30		0
<i>Tollnúmer:</i>						
0603.1003	Ættkvíslar Protea, Bankasía o.fl.	01.01.-30.04	ótilgr.	30		0
0603.1004	Afskornar greinar með berjum og ávöxtum	01.01.-30.04	ótilgr.	30		0
0603.1009	Annars (Afskorin blóm)	01.01.-30.04	4.000	30		0
0603.9000	Annað (Þurruð blóm)	01.01.-30.04	ótilgr.	30		0
0604.9109	Annað	01.01.-30.04	ótilgr.	30		0
0604.9900	Annars	01.01.-30.04	ótilgr.	30		0

Við innflutning á vörum sem falla undir þau tollnúmer þar sem vörumagn er ekki tilgreint skal gilda sá verð- og/eða magntollur sem tilgreindur er í 1. mgr. yfir tilgreint tímabil. Fyrir þau tollnúmer sem vörumagn er tilgreint gildir tiltekinn verð- og/eða magntollur skv. útgefnum tollkvótum.

Tímabil þau sem tilgreind eru miðast við tollafgreiðslu en ekki við komu flutningsfars til landsins og skal tollafgreiðslu lokið innan tímabils. Hafi vara hlotið bráðabirgðatollafgreiðslu skv. reglugerð nr. 64/1991 skal þó miða við dagsetningu hennar.

### 3. gr.

Tollkvótum er úthlutað skv. auglýsingu landbúnaðarráðuneytisins þar sem tilgreindir eru skilmálar vegna úthlutunarinnar. Úthlutun er bundin við handhafa heildsöluleyfis og er ekki framseljanleg. Við úthlutun á tollkvótum sem fellur undir tollnúmer þar sem vörumagn er tilgreint skal auglýsa eftir umsóknum um tollkvóta.

Verði umsóknir um tollkvóta í þeim tollnúmerum þar sem magn er tilgreint meiri en það magn sem auglýst er skal leita tilboða í tollkvóta.

Innflutningur verður því aðeins leyfður að uppfyllt sé ákvæði reglugerðar um innflutning og útflytning á plöntum og plöntuafurðum nr. 189/1990.

### 4. gr.

Brot á reglugerð þessari varða viðurlögum samkvæmt 53. gr. og 70. gr. laga um framleiðslu, verðlagningu og sölu á búvörum nr. 99/1993, með síðari breytingum. Með mál út af brotum skal farið að hætti opinberra mála.

### 5. gr.

Reglugerð þessi er sett skv. heimild í 53. gr., 53. gr. A og 75. gr. laga nr. 99/1993 um framleiðslu, verðlagningu og sölu á búvörum, með síðari breytingum, og öðlast gildi 1. janúar 1996 og gildir til 30. apríl 1996.

*Landbúnaðarráðuneytið, 28. desember 1995.*

**Guðmundur Bjarnason.**

\_\_\_\_\_  
Jón Höskuldsson.

## SAMÞYKKT

### um rekstur heilbrigðis- og öldrunarþjónustu í Austur-Skaftafellssýslu.

#### 1. gr.

Heilbrigðis- og öldrunarráð Austur-Skaftafellssýslu annast, í umboði bæjarstjórnar Hornafjarðar, yfirstjórn og rekstur allrar heilbrigðis- og öldrunarþjónustu í Austur-Skaftafellssýslu, sbr. lög nr. 97/1990, um heilbrigðisþjónustu, og lög nr. 82/1989, um málefni aldraðra.

#### 2. gr.

Helstu verkefni á sviði heilbrigðis- og öldrunarþjónustu sbr. 1. gr. eru eftirfarandi:

1. Rekstur heilsugæslustöðvar Höfn H2, sbr. III. kafla laga nr. 97/1990, á starfssvæði sbr. gr. 14.7 sem nær til Hornafjarðar, Bæjarhrepps, Borgarhafnarhrepps og Hofshrepps.